



28/09-2021

2020-mut Nunatta Karsiata naatsorsuutaasa akuersissutigineqarnissaannik siunnersuut imatut Naleqqamiit oqaaseqarfigissavarput.

Siullermeernera

Nunatta karsiata naatsorsuutaasa 2020-imeersut akuersissutigineqarlutik suliarineqarnissaanut siunnersuummut maannakkut saqqummiunneqartumut Naleqqamiit imatut oqaaseqaateqassaagut.

Maannakkut Nunatta Karsiata naatsorsuutaasa saqqummiunneqareernerani kukkunersiunermut ataatsimiititaliami suliarineqartussanngorlugit ingerlatseqqinneqassapput.

Kukkunersiuinermi ataatsimiititaliap aaliangersimasumik suleriaatsit naapertorlugit aammalu Nunatta karsiata kukkunersiuisarnermi toqqammaviit taamatullu tunngavissat malillugit suliarineqassaaq.

Naatsorsuutit suliarineqarnerani kukkunersiuisut toqqaannartumik uparuagassartaqartinnagit taamaattorli suleriaatsit naapertorlugit aammalu sulinermi tunngavigisat Kukkunersiuinernimi Ataatsimiititaliap aappassaaneerinissaanut saqqummiunneqartut suliareqqissaarlugit misissoqqissaarlugit uparuagassaasinnaasut suliarineqartarmata Naleqqamiit sukumiisumik suliarilluarneqarnissaat kissaatigaarput.

Kukkunersiunermut ataatsimiititaliami qaqilerneqartussat aammalu suut eqqumaffigisassaanersut ilanngullugit nalilersuinissaat qularutiginatigu, aappassaaneerinninnissamut taamatut oqaaseqarluta Kukkunersiuinermut ataatsimiititaliaq sulilluarnissaanik kissaapparput.